

271.2 (46.521)

17

# ACTA CAPITULI

GENERALIS

PROVINCIALIUM ET DEFINITORUM

PROVINCiarUM

HISPANIARUM ET INDIARUM


CÆSARAUGUSTÆ CELEBRATI

IN CONVENTU PRÆDICAT. AD FEST. SS. PENTECOST. A DIE IX. JUNII MDCCCXXXII.

SUB REVERENDISSIMO

**PATRE FR. FRANCISCO USAGRE,**

*Sacræ Theologiæ Magistro, Vicario Generali eodem die in  
prædicto Capitulo electo.*



**MATRITI:**

APUD E. AGUADO, REG. DOMUS TYPOGRAPHUM.

AN. DOM. MDCCCXXXIII.



ACTA CAPITULI

GENERICIS DE 18 JUNII 1853

PROVINCIALIUM ET DEFINITORUM

PROVINCIALEM

HISPANICARUM ET INDIARUM

CAESARAVESIAE, CAELIBATAE

IN CONVENTU PRAESIDIAT. NO. TEST. SE. PRAESIDIAT. A DIE 12 JUNII 1853

SUB VETEREMISSIMO

PATRE FR. FRANCISCO USAIGRE,

Sacrae Theologiae Magistro, Nuncio Generali eodem die in  
Capitulo electo.



MARTI:

APUD E. AGUADO, REG. DOMUS THEOPHILUM

AN. DOM. MDCCCLIII.



## DEFINIENTIBUS

RR. ADM. PP. PROVINCIALIBUS,

ET DEFINITORIBUS: NEMPE

**F**r. Ferdinando Mena, Magistro, Provinciali Hispaniæ.

Fr. Josepho Casaurran, Ex-Vicario Generali, Magistro, Provinciali Aragoniæ.

Fr. Ildephonso Arevalo, Magistro, Provinciali Beticæ.

Fr. Francisco Atucha, Magistro, Priore Victoriensi, et Definitore Hispaniæ.

Fr. Mariano Abad, Magistro, Definitore Aragoniæ.

Fr. Ferdinando Vizcaino, Magistro, Definitore Beticæ.



Fr. Francisco Mañas, Procuratore, et  
Definitore Philippinarum.

Fr. Joanne Nepomuceno Buenrostro,  
Magistro, Definitore de Oaxaca.

Fr. Christophoro Lopez, Magistro, De-  
finitore Canariarum.



## **DENUNTIATIONES.**

1.<sup>o</sup> **D**enuntiamus Sanctissimum Pontificem  
Pium VII, ad preces sibi prorrectas per clemen-  
tissimum Regem Nostrum Carolum IV, Aposto-  
licam Constitutionem *Inter graviores* dedisse, in  
qua novum stabilitur jus pro electione, et mu-  
nere tam Generalis Magistri, quàm Vicarii Gene-  
ralis. Tenor hujus Bullæ talis est.



(3)

# PIUS EPISCOPUS

## SERVUS SERVORUM DEI.

AD PERPETUAM REI MEMORIAM.

---

**I**nter graviores curas, ac sollicitudines, quas omni fide ac studio in suprema hac Apostolici nostri muneris procuratione impendendas esse à Nobis Ecclesiæ cognoscimus, illæ nimirum habendæ sunt, quibus Ordinum Regularium tam de eadem Ecclesia benemeritorum conservationi prospiciamus, eorum decus ac bonum promoveamus, ab iisque omnia arceamus, quæ nocumento iis esse possunt, in hac præsertim temporum calamitosissimorum injuria, in quibus maximo cum dolore nostro tam multas Regularium hominum familias maximis tempestatibus jactatas, tot, ac tam graves ærumnas immeritò subiisse cognovimus.

At verò si miseranda Cœnobitarum conditio multis in regionibus gravissimi doloris, maximæque tristitiæ Nobis causa extitit, magnam ex alia parte consolationis, gaudiique causam Nobis præbuit charissimi in Christo filii nostri Caroli IV. Catholici Regis eximia religio ac pietas, qua is eosdem Religiosos Ordines in Hispania prosequitur, eorumque sanctissima Instituta veneratur, ut qui optimè perspectos habet uberimos fructus, qui ex iisdem in sua regna, semper ma-

Exordium.

Causa motrix huj. Bullæ.



xima cum catholicæ religionis ac populorum suorum utilitate, sunt profecti; ut propterea in præsentì Ordinum Religiosorum vicissitudine, non modò nullos ex iisdem in amplissimis Hispaniæ regnis, aut è medio sublato, aut aliquo detrimento affectos videamus, verùm etiam peculiari patrociniò defensos beneficas pietissimi Regis curas erga se in dies experiri cognoscamus. Ex quo fit ut eo promptiori animo benignas aures ejusdem Catholici Regis postulationibus præbere, earumque rationem habere ducamus, cùm ille significet Nobis, se in iis, quæ circa dictos Ordines à Nobis postulat, id unum spectare, ut magis magisque in suis ditionibus ipsorum Ordinum conservationi atque utilitati prospiciat, iis malis amotis, quæ fortasse per vicissitudines temporum induci in eosdem potuerunt, quibus, si quæ adsunt, Apostolici muneris nostri est, ad eorundem conservationem stabiliùs asserendam, atque utilitatem splendoremque augendum, prout res postulat, in Domino salubriter providere.

Abusus in-  
troduciti.

Siquidem laudatus idem Catholicus Rex exponi Nobis fecit, inter cætera gravissima mala quæ ex proxima, tum præteritorum temporum perturbatione, tum opinandi licentia infeliciter etiam in suas ditiones sunt derivata, illud etiam factum esse, ut in Ordines Regulares ibi existentes, quamvis in iis plurimi non minus virtute quàm doctrina spectabiles viri inveniantur, qui spiritum et leges sanctissimorum suorum Fundatorum servant; tamen magno cum Regii animi sui dolore ii abusus irreperint, ut ad eos evellendos atque eradicandos efficaciora remedia adhibenda esse videantur, ne iidem ampliùs iterum pullulare possint.

Quæ cùm Nobis exposita fuerunt, Nos excitati non minus officio Apostolici Ministerii nostri, quàm desi-



derio obsecundandi religiosissimi Regis studiis, ut in re tam gravi omni maturitate ac circumspectione, et juxta normam ac consuetudinem hujus Sanctæ Sedis procederemus, exempla sequuti gloriosissimorum Prædecessorum nostrorum, ac præcipue in simili causa cùm in eodem Hispaniarum Regno Cardinalis de Ximenez Visitator Generalis omnium Ordinum Religiosorum in Hispanicis Ditionibus existentium ab hac Sancta Sede constitutus est, Apostolica auctoritate nostra Visitatorem Generalem omnium Religiosorum in Hispaniarum Regnis existentium eligendum censuimus, qui abusus omnes qui in Religiosas Familias irrepsisse dicebantur, certò compertos habere studeret; ac ea facultate, quam Nos per Apostolicas Litteras nostras in forma Brevis datas quarto Idus Septembris anni proximi superioris, eidem impertiti sumus, si quid emendatione, ac correctione dignum invenisset, id emendandum ac corrigendum curaret; deferret verò ad Nos, nostramque auctoritatem imploraret, si quid gravius idem deprehenderet, quod opportuna providentia indigeret, ut à Nobis ad id sanandum idonea remedia suppeditarentur.

Quam Nos provinciam detulimus dilecto filio nostro Ludovico Sanctæ Romanæ Ecclesiæ Presbytero Cardinali de Bourbon, Archiepiscopo Toletano, et Archiepiscopalis Ecclesiæ Hispalensis administratori, qui sanè vir propter singulares laudes Regii generis, eximie pietatis, zeli ac sapientiæ, amplissimæque dignitatis, quas simul conjunctas habet, quibusque inter cæteros eminet, maximè idoneus visus fuit Nobis, qui posset tantum munus sanctè atque integrè administrare.

Hic verò tanto operi manu admota exposuit Nobis, se tum ex iis, quæ sibi de Ordinibus Regularibus in Hispaniarum Regnis existentibus statim deferenda di-

Card. Ximenez Visit. Ord. Regularium.

Card. Bourbon Visit. Ord. Regularium.



Preces Caroli IV. ut instituantur Vicarii generales.

Caroli IV. ut instituantur Vicarii generales.

ligenter curavit, tum ex aliis quæ sibi eidem inquirenti de præsentibus eorumdem statu innotuerunt, maxime opportunum judicare, ad regimen eorum Ordinum Regularium, qui hactenus ab uno tantum Præsidente Generali gubernati fuerunt, totidem Vicarios Generales constituere, qui stabiliter in Hispanicis Ditionibus residentes, independenter à Supremo Magistro Ordinis, partem eam respectivorum Ordinum regant, quæ in iisdem regionibus existit. Igitur non minus ab eo, quàm à pio Rege Catholico preces Nobis, ut Apostolica Auctoritate nostra huic postulationi annuere dignaremur, oblatae fuerunt; illudque additum, hoc, attentis temporum rationibus, non solum stabili regimini ipsorum Ordinum Regularium opportunum fore, sed etiam ad visitationem ipsam utiliter perficiendam maxime collaturum.

His petitionibus in maturum examen à Nobis vocatis, ac delecta in consilium juxta Romanorum Pontificum Prædecessorum nostrorum consuetudinem Congregatione venerabilium Fratrum nostrorum Sanctæ Romanæ Ecclesiæ Cardinalium; considerantes ex una parte, quantæ curæ esse debeat Apostolicæ huic Sedi conservare unitatem ipsorum Ordinum juxta suorum Fundatorum spiritum, atque instituta; ex alia verò parte satisfacere cupientes, quantum in Domino possumus, Catholici Regis desideriis, ac Visitoris studiis ad bonum ac utilitatem ipsorum Regularium Ordinum; ut in difficillimis eorumdem temporibus stabili eorum existentia consulamus, simulque uberrimos illos fructus Ecclesiæ asseramus, qui ex sanctissimis Regularium Institutis ac Virorum Religiosorum exemplis ac laboribus percipiuntur; de memoratæ Congregationis consilio ac sententia censuimus ad futurum regimen prædictorum Ordinum Regularium, in Hispania-

Unitas Ord. stabilitur, et studia Regis explentur.



rum Regnis ac Ditionibus, ut supra existentium, ex eo exemplum petere, quod Summus Pontifex Leo X. felicis recordationis, Prædecessor noster, per Apostolicas Litteras, quarum initium: *Ite et vos in vineam meam:* de Ordine Fratrum Sancti Francisci constituit, eamque pro prædictis Ordinibus in Hispaniarum Regnis ac Ditionibus, ut supra existentibus, rationem statuere, per quam simul et unitas eorundem Ordinum juxta respectivorum sanctorum Fundatorum spiritum ac leges conservetur, et studia Regis Catholici, et Visitatoris à Nobis constituti expleantur.

Atque ad hoc tribuendum ea etiam Nos inducit consideratio, quòd omnes pene Ordines Regulares conservati, ac propagati in Hispania sunt, plusquam alibi apud cæteras Nationes; ac Cœnobitæ longè plures in Hispania numerantur, quàm quos alia ulla natio possit recensere. Itaque ex certa scientia, ac matura deliberatione, ejusdem Congregationis consilium sectantes, nostris, deque Apostolicæ potestatis plenitudine, constituimus quæ infra sunt.

Supremum Magisterium Ordinum in Hispaniis existentium, qui usque adhuc à Generali, seu Vicario Generali natione Hispanis, atque in Hispania commorantibus gubernati non fuerunt, alternatim deinceps erit gerendum; nimirum erit una vice penes Hispanicæ nationis Religiosum virum; altera verò vice apud virum exteræ nationis.

Cujuscumque Magisterium idem erit ad sexennium; nisi ad longius tempus statuendum, gravibus intercedentibus causis ab Apostolica Sede judicetur.

Electio Summi Magistri juxta leges consuetas respectivorum Ordinum à Capitulo Generali fiet. Cùm Summus Ordinis Magister ex Hispanis eligendus erit, Comitia generalia in Hispania habebuntur; Romæ ve-

Nulla Natio hab. tot Ord. regulares, quot Hispania.

Magist. Ord. et ejus Vicar. erunt alternis vicib. Hispani, et Exteri.

Regimen eorum ad sexennium, nisi ad longius temp. statuatur à S. Sede.

Magist. Ord. hispanus eligetur in Hispan.; exterus vero extra Hisp.



rò sive alibi, prout leges cujusque Instituti statuunt, cum idem ex aliis Nationibus erit eligendus.

Ad ej. elect. accedent Vocales hispani, et exteri.

Evocari, accedere atque admitti ad generalia Comititia debebunt vocales tam ex Hispania quam ex aliis Nationibus.

Cum Magist. Ord. est hispanus, aliæ Nat. habebunt Vic. gralem. et vice versa.

Cum Magister Generalis non erit natione Hispanus, tunc Hispani habebunt Vicarium Generalem Hispanum; et vice versa, cum Supremum Magisterium penes Hispanum erit, Ordo extra Hispaniam existens habebit Vicarium Generalem aliarum Nationum. Vicarii Generalis munus erit ad idem tempus muneris Superioris Generalis.

Vicar. gralis. eliget. in Cap. grali. à solis Voc. suæ Nat.

Electio Vicarii Generalis fiet in eodem Capitulo generali, simul ac Summi Magistri electio habita fuerit; sed à Hispanis vocalibus eligetur, cum is Vicarius Generalis Hispanus futurus erit; vocales verò aliarum Nationum Vicarium eligent, cum is ad Ordinem pertinebit, qui extra Hispaniam est.

Magist. Ord. et Vicar., cum erunt hispani, resid. in Hisp.

Tam Summus Ordinis Magister, quam Vicarius Generalis, cum Hispani erunt, in Regis Hispaniarum Ditionibus residebunt.

Controversiæ super elect. Vicar. gralis. privativè pertinet ad Vocal. respectivos.

Si super Vicarii Generalis electione aliquæ difficultates ac controversiæ exoriantur, harum cognitio, ac definitio ad Vocales respectivos, qui eundem elegerunt, privativè pertinebit. At si per eos dirimi aut expediri non poterunt, antequam Capitulum dissolvatur, causa ab Apostolica Sede definietur, sive ab eo cui eadem Apostolica Sedes specialem potestatem rei definiendæ faciet.

Si Vicarius Generalis, sive per obitum, sive per promotionem, sive alia quacumque de causa esse desierit, antequam Ordinis Magister tempus Magisterii sui expleverit, cujus, ut supra dictum est, exæquare durationem muneris debet; tunc, si is Hispanus fue-



rit, Hispani alterum item Hispanum sibi in Hispania in Vicarium eligent: et ita vice versa ex aliis Nationibus cæteri ad normam respectivorum Institutorum; qui tamen perdurabit usque dum eam temporis partem expleat, quæ ejus Decessori reliqua erit ad munus suum absolvendum.

In supradicto casu cessationis Vicarii Generalis intra sexennium, sive per obitum, sive per promotionem, sive quacumque alia de causa, quando Hispani, ut supra dictum est, alterum Hispanum sibi in Hispania Vicarium eligent, electionem quæ à solis vocalibus Hispanis fieri debet, ab iis solis fieri permittimus, qui tunc temporis in Hispaniæ Peninsula commorabuntur, ut longæ illæ moræ dilationesque vitentur, quæ, si accedere illi quoque Vocales deberent, qui extra Hispaniæ Peninsulam sunt et longiùs absunt, necessariò acciderent.

Quod si Summum ipsum Magistrum Generalem Ordinis à suo cessare munere, sive obitus, sive promotionis, sive alia quacumque de causa contigerit, ita ut novus in ejus locum Magister Generalis ad complendum sexennium, quod ab Antecessore non fuerat absolutum, eligendus sit; declaramus in hoc casu locum non esse alternæ electioni, de qua supra dictum est. Decernimusque ut novus Magister Generalis usque ad exitum sexennii ab Antecessore inchoati duraturus, ex ea parte Ordinis deligatur, ex qua erat ipsius Antecessor; ne ulla pars sit Ordinis, quæ per sexennium integrum non habeat Magistrum Generalem è Viris electum ad ipsam pertinentibus.

Electio autem in hoc casu novi Magistri Generalis ad complendum Antecessoris sexennium substituendi, fieri debebit à solis Vocalibus Nationum illius partis Ordinis, ad quam ipse Antecessor pertinebat; ne ni-

Mortuo, vel promotò Vic. grali. intra sexenn., eligitur alius ad expletion. sexennii.

Hæc electio fiet à solis Vocalib. residentib. in Hispan.

Mortuo, vel promotò Mag. Ord. ante sexenn., eligatur Successor ad complend. sexen. ex ea parte Ord. ex qua erat Antecess.

Talis electio fiet à solis Vocalib. Nationis respectivæ.



miæ interponantur moræ, quæ vitari nullo modo possent, si omnes omnino vocales accedere deberent; præsertim cùm evenire non admodum difficile possit, ut Magister Generalis, cui Successor deligendus sit, prope ipsum sexennii finem, ex aliqua ex supradictis causis à munere suo cesset, ejusque Successor propterea intra brevissimum tempus sit constituendus.

Quod si novus Magister Generalis eligendus in supradicto casu non completi sexennii ad ipsum sexennium complendum, erit natione Hispanus, quia ejusdem nationis fuerit illius Antecessor, à quo sexennium non fuit absolutum, statuimus, ut in hoc casu ad electionem illius accedere tantummodo debeant Vocales illi Hispani, qui in ipsa Hispaniæ Peninsula commorantur, ab accedendi onere dispensantes de Nostræ Potestatis plenitudine eos alios Vocales Hispanos, qui extra ipsam Peninsulam existant, ob illam ipsam causam quam diximus, scilicet, ne electioni nimie interponantur moræ, quæ si accedere illi quoque vocales deberent, qui extra Hispaniæ Peninsulam sunt, et longius absunt, necessariò acciderent; præsertim cùm, nisi ita fieret, evenire posset, ut forsitan antea elaboretur reliquum sexennii spatium, quàm novus Magister Generalis, ad id complendum substituendus, eligeretur.

Vicarius Generalis in Capitulo Generali, uti supradictum est, statim post electionem Summi Magistri electus, se ab eo confirmari postulabit, ac facultatibus muniri, quæ ad munus gerendum pertinent, quorum utrumque sine dilatione ei Summus Magister tribuet.

Quod si Vicarius Generalis extra Capitulum Generale eligeretur per obitum, sive per promotionem ac dimissionem ejus qui in dicto Capitulo fuerat electus, ut supra dictum est; in eo casu ad præcavenda omnia dilationum incommoda, ei Vicario canonicè deputato

Ad hanc elect. Mag. Ord. hispani, accedent soli Vocales existentes in Hispan. Peninsula.

Vicar. gralis. electus in Cap. Gen. post elect. Mag. Ord., petet ab eo confirmat. suæ electionis.

Etiam electus ob obitum vel prom. sui Antecessor. petet confirmat. à M. Ord.



juxta enunciata[m] formam nunc pro tunc per has Apostolicas Nostras Litteras facultates impertimur, quibus Provincias, quæ ejus regimini subjacent, regere valeat per tempus illud intermedium, intra quod nulla mora interposita certiore[m] Summum Ordinis Magistrum de sua electione faciet, ab eoque se confirmari postulabit, ac necessariis facultatibus muniri, quorum utrumque sine dilatione ei Summus Magister tribuet.

Hæ facultates Vicariis Generalibus à Summo Magistro tributæ non cessabunt, sed firmæ iisdem manebunt, etiam si Ordo Summo suo Magistro caruerit per ejus obitum intra sexennium, sive per ejus promotionem intra idem sexennium; ita ut post electionem novi Summi Magistri ad complendum sexennium eligendi, eas ab ipso petere non indigeant: quas, ut in eo casu exercere absque ulla dubitatione valeant, nunc pro tunc de Nostræ Potestatis plenitudine per has Apostolicas Litteras confirmamus, et quatenus opus sit, iisdem Vicariis impertimur.

Facultates verò Vicariorum Generalium eadem ipsæ erunt, quas Summus Magister habet. Itaque Vicarius Generalis, cui tres aut quatuor Assistentes, sive Definitorum, sive Consultores, aliique juxta regulas Instituti adsint, in Provinciis quæ ab eo regendæ sunt, liberè omnem jurisdictionem sibi delegatam exercebit, quam ante ibidem Summus Ordinis Magister exercebat.

In negotiis verò quæ majoris momenti sunt ad spirituale regimen Ordinis ac disciplinam pertinentibus, Vicarius Generalis, ut opportuna ac tutiori ratione procedat, et ut Instituti substantia in universo Ordine conservetur, Summum Magistrum consulere debet.

Mutationes et reformationes statutorum, quæ necessariæ aut utiles ad respectivorum Ordinum bonum videbuntur, si universum Ordinem respicient, à Capi-

Vicar. generali electo extra Cap. Gen. dantur facultates ad regend. suas Prov. donec petat, et recip. conf. à M. Ord.

Facultates Vicarior. non cessant mortuo, vel amot. Mag. Ord. nec indigent eas petere à novo Mag.

Facultates Vicar. eadem, ac quæ Mag. Ord.

In negotiis magni mom. Vicarius Summum Magist. consulere debet.



Mutationes  
statutorum, si  
univ. Ord. res-  
pic. fient à Cap.  
Gen.; si vero  
ad part. Ord.  
in Hisp. exist.,  
de his agetur  
in Hisp.; sed  
neutræ ad ef-  
fectum perduc  
poterunt sine  
Rom. Pontif.  
approbat.

Regular. his-  
pani liberè ad-  
ministrab. sua  
bona tempor.  
absque obligat.  
contribuendi  
Regularib. cæ-  
terar. Nation.

Prima insti-  
tut. Vicarior. in  
Hisp. et extra  
facta fuit à  
Sum. Pontif.

tulo Generali fient; si verò ad partem tantum Ordinis in Hispania existentis pertinebunt, de his in Hispania ipsa cum consilio tamen Summi Magistri agetur; sed neutræ ad effectum perducì poterunt sinè Romani Pontificis approbatione. Nota satis Nobis pietas ac Religio Catholici Regis, ejusque studium pro Regularium Ordinum bono nos dubitare non sinunt, eum effecturum, ut variationes hujusmodi probatæ à Nobis, aut à Successoribus Nostris, in suis Ditionibus exequantur.

Tandem quod pertinet ad bona temporalia, declaramus, Regulares in Hispania existentes liberè in posterum administrare, atque erogare ipsorum bona, redditus, atque eleemosynas posse; nec ampliùs ad contribuendum expensis, atque ad subsidia suppeditanda domibus Regularium cæterarum Nationum teneri: quod tamen non ita intelligi debet, ut ære alieno, si quo forte erga eas obstricti sunt, liberati judicentur. Hæ ordinationes omnes, exequi debebunt statim post promulgationem hujus Apostolicæ Constitutionis Nostræ.

Quoad electiones verò, cùm attenta præsentium temporum conditione eæ haud fieri hac vice possint ea ratione, quæ à Nobis supra constituta est, mandamus, ut in Ordinibus, qui nunc Præsidentem Generalem habent, is suo munere fungi pergat, usque dum absolvatur tempus, quod Ordinis sui legibus præstitutum est. Si, qui nunc Summo Magisterio fungitur, natione est Hispanus, fiet à Nobis electio tum Vicarii Generalis, tum cæterorum Superiorum Majorum Ordinis extra Hispaniam existentis. Si verò Summus Ordinis Præsides Hispanus non est, Nos Vicarium Generalem, cæterosque Superiores Majores Hispanos constituemus.

Præsentes autem Litteras et in eis contenta, et statuta quæcumque, etiam ex eo quod quilibet in præmissis, seu in illorum aliquo jus aut interesse haben-



tes, seu habere prætendentes, etiam quomodolibet in futurum illis non consenserint; seu quod aliqui ex ipsis ad præmissa minimè vocati, vel etiam nullimode auditi fuerint, aut ex alia qualibet causa; nullo unquam tempore de subreptionis, vel obreptionis, aut nullitatis vitio, vel intentionis Nostræ, aut alio quovis magno et substantiali defectu; sive etiam ex eo quod in præmissis solemnitates et quæcumque alia forsân servanda, et adimplenda, minimè servata et adimpleta fuerint; aut ex quibuslibet aliis causis, vel prætextibus notari, impugnari, aut aliàs infringi, suspendi, limitari, aut in controversiam vocari; seu adversùs illas quodcumque juris vel facti remedium impetrari, easque omnino sub quibusvis contrariis constitutionibus, revocationibus, suspensionibus, limitationibus, derogationibus, decretis, vel declarationibus generalibus, vel specialibus etiam motu, scientia, et potestatis plenitudine quomodolibet factis minimè comprehendi, sed semper ab illis exceptas esse et fore; et tanquam ex Pontificiæ providentiæ officio, et Potestatis plenitudine nostris factas, et emanatas, perpetuò validas, et efficaces existere, suosque plenarios et integros effectus sortiri et obtinere; ac ab omnibus ad quos spectat, et spectabit quomodolibet in futurum, perpetuò et inviolabiliter observari: sicque in præmissis per quoscumque Judices Ordinarios, vel Delegatos, etiam causarum Palatii Apostolici Auditores, ac Sanctæ Romanæ Ecclesiæ Cardinales, etiam de Latere Legatos, Vice-Legatos, et Sedis Apostolicæ Nuncios, sublata eis, et eorum cuilibet quavis aliter judicandi, et interpretandi facultate, et auctoritate judicari et definiri debere; et si secus super his à quoquam quavis auctoritate, scienter vel ignoranter contigerit attentari, irritum et prorsus innane esse et fore, volumus atque decernimus.

Clausulæ præservativæ.



Clausulæ de-  
rogatoriæ.

Non obstantibus etiam in Synodalibus, Provincia-  
libus, Generalibus universalibusque Conciliis editis Con-  
stitutionibus, et Ordinationibus Apostolicis, nec non  
omnium, et singulorum dictorum Regularium Ordi-  
num, etiam juramento, confirmatione Apostolica, vel  
quavis firmitate alia roboratis, statutis, et consuetudi-  
nibus, privilegiis quoque, indultis, et Litteris Aposto-  
licis in contrarium præmissorum quomodolibet con-  
cessis, confirmatis, et innovatis: quibus omnibus et sin-  
gulis illorum tenores præsentibus pro plene, et suffi-  
cienter expressis, ac de verbo ad verbum insertis ha-  
bentes, illis aliàs in suo robore permansuris, ad præ-  
missorum effectum hac vice dumtaxat specialiter et ex-  
pressè derogamus; cæterisque contrariis quibuscumque.

Quibus tran-  
sumptis adhi-  
benda fides.

Ut autem præsentibus et in eis contenta quæcumque  
ad omnium notitiam faciliùs deducantur, volumus, ut  
eorum transumptis, sive exemplis, etiam impressis,  
manu alicujus Notarii publici subscriptis, et sigillo per-  
sonæ in Ecclesiastica Dignitate constitutæ munitis, ea-  
dem fides tam in judicio quàm extra illud ubique lo-  
corum habeatur, quæ ipsis præsentibus haberetur, si  
forent exhibitæ vel ostensæ.

Sanctio pœ-  
nalis.

Nulli ergo omnino hominum liceat hanc paginam  
Nostræ Constitutionis, Ordinationis, Decreti, Deroga-  
tionis et voluntatis infringere, vel ei ausu temerario  
contraire: si quis autem hoc attentare præsumpserit,  
indignationem Omnipotentis Dei, ac Beatorum Petri  
et Pauli Apostolorum ejus se noverit incursum.

Datum Romæ apud Sanctam Mariam Majorem anno  
Incarnationis Dominicæ millesimo octingentesimo quar-  
to, Idibus Maii, Pontificatus Nostri anno quinto.

Loco ✠ sigilli plumbei Papæ Pii VII pendentis.  
A. Cardinalis Pro-Datarius. R. Cardinalis Braschius  
de Honestis.



2.<sup>a</sup> Denuntiamus SS. D. N. P. Gregorium XVI feliciter regnantem, bene perpensis temporum circumstantiis, ad benignas preces piissimi Catholici Regis nostri Ferdinandi VII, concessisse suis litteris declaratoriis Bullæ *Inter graviores* per Eminentissimum Cardinalem T. Bernetti, datis in Palatio Quirinali sub die 31 mensis Octobris anni 1831, et transmissis cum *regio exequatur* ad Reverendissimum Mag. Ordinis Fr. Joachimum Briz, nunc benemeritum Episcopum Segoviensem; ut, donec aliter à S. Sede disponatur, celebrentur in Hispaniis Capitula generalia ad Magistrum Ordinis, vel ejus Vicarium Generalem, alternatim quolibet sexennio eligendum, sarta tecta remanente quoad reliqua præinserta Bulla *Inter graviores*. Quæ quidem litteræ tenoris sunt sequentis.

**EXCMO. Y RMO. P.**

Con fecha 30 de Junio del año pasado de 1830 participé á V. Rma. de orden del Consejo, que conformándose S. M. con la Consulta que elevó á sus Reales manos en 1.º de Mayo anterior, se habia servido resolver entre otras cosas que á su Real nombre se impetrase de su Santidad la aprobacion de las cinco declaraciones á la Bula *Inter graviores*, propuestas por V. Rma. y comprendian los artículos 1.º, 2.º, 3.º, 4.º y 6.º de su esposicion de 25 de Noviembre de 1829, á cuyo fin se habia comunicado la oportuna Real orden por el Ministerio de Gracia y Justicia al de Estado.



En su consecuencia y con otra Real orden de 27 de Noviembre de 1831 se pasó á dicho Supremo Tribunal un Oficio del Encargado de Negocios en Roma, en que incluía copia de la Nota que le habia dirigido el Cardenal Secretario de Estado, relativa á la aprobacion de su Santidad á las indicadas adiciones á la Bula *Inter graviores*, á fin de que consultase en su razon lo mas conveniente; y en su inteligencia, la de los antecedentes del asunto, y de lo espuesto sobre todo por los Señores Fiscales, con fechas 23 de Diciembre y 11 de Febrero últimos hizo presente el Consejo á S. M. en reverentes Consultas quanto estimó oportuno en negocio de tal gravedad; y por su Soberana resolucion dada á la última, que ha sido comunicada en Real orden de 7 del corriente mes, y acordado su cumplimiento en el dia 9, se ha dignado mandar se traslade íntegramente á V. Rma. el Despacho del Cardenal Secretario de Estado de su Santidad, fecho en el Palacio Quirinal á 31 de Octubre de 1831, para que sin pérdida de tiempo haga las Convocatorias respectivas para la celebracion de Capitulo General, conforme á los Estatutos de su Orden, á lo dispuesto en la citada Bula *Inter graviores*, y en las aclaraciones contenidas en la mencionada Nota.

Lo que de orden de dicho Supremo Tribunal participo á V. Rma. para su inteligencia y cumplimiento de lo resuelto por S. M., á cuyo fin acompaño copia certificada del espresado Despacho, esperando se servirá darme aviso de su recibo.

Dios guarde á V. Rma. muchos años. Madrid 10 de Marzo de 1832. = Excelentísimo y Reverendísimo Padre. = *Manuel Abad*. = Excelentísimo y Reverendísimo P. Maestro General del Orden de Predicadores.



**P**ALACIO QUIRINAL *dia treinta y uno de Octubre de mil ochocientos treinta y uno.*

Señor Caballero Ramirez de la Piscina, Encargado de Negocios de S. M. Católica.

El Santo Padre ha examinado con la mayor detención las providencias que la Real Corte de España desea se adopten acerca de algunos artículos de la Bula *Inter graviores*, concernientes á la eleccion de Generales y de Vicarios Generales. Es á la verdad muy claro cuánto deban calcularse las circunstancias de los tiempos, y cuán justas sean por consiguiente las modificaciones que la condescendencia Pontificia se resuelve á aprobar en atencion á las mismas.

Motivo de las preces.

En consecuencia de esta máxima su Santidad permite que para las elecciones del General y del Vicario General se celebren dos Capítulos separados en los respectivos lugares donde deben convocarse segun la alternativa prescrita, con la asistencia de los vocales que deban concurrir á ellos respectivamente. Deberá, pues, celebrarse en Italia el Capítulo para el General, mientras que en España se tendrá al mismo tiempo el Capítulo para el Vicario General, segun tocare para cada uno de ellos con arreglo á la mencionada alternativa.

Dos Capítulos Generales simultáneos en Italia y Esp.

Pero la Carta convocatoria se expedirá siempre por el General para toda la Orden, invitando no solo para el Capítulo del General á los vocales á quienes él deberá mandar, sino tambien para el del Vicario General, á fin de que asistan los vocales dependientes de éste. Será, pues, de obligacion del Vicario General en ejercicio el dar curso á las espresadas convocatorias para los Conventos sujetos á él, como lo hará el General para los suyos

Solo el General convocará á los dos Capítulos.



El Vicario General electo pedirá la confirmacion al General, la que no podrá negarle sin justo motivo.

Además, se deberá enviar al General para su aprobacion el Título de eleccion del Vicario General, el cual sin embargo egercerá sus funciones luego que se verifique la eleccion regular, siendo la intencion de su Santidad autorizarle, á fin de que aquella parte de la Orden no carezca de su legítimo Superior General en tanto que llegare la referida aprobacion, que no podrá ser negada por el General sin que someta al juicio de la Santa Sede los motivos de la negativa; y por lo tanto dicho General no impedirá el egercicio de su jurisdiccion al elegido, hasta tanto que concurra á prohibírsele una orden Pontificia.

Por muerte del General ó Vicario hará sus veces el designado por las Leyes.

Que si ó por renuncia, ó por muerte, ó por otra razon llegáre á vacar durante el sexenio alguno de los cargos de Superiores Generales, suplirá sus veces el que segun las disposiciones de la Orden sea subrogado para egercer interinamente el cargo.

Intersticios para que no haya reeleccion.

Finalmente, la prohibicion de las confirmaciones del que esté para cesar en su cargo de Superior para el siguiente sexenio, se halla comunmente conforme á las constituciones particulares de las familias religiosas; por cuya razon hasta nueva orden su Santidad la aprueba tambien.

El Cardenal Secretario de Estado se apresura á comunicar á V. Ilma. estas determinaciones Pontificias, con el gusto de ver favorecidos los deseos de su Augusto Religiosísimo Soberano, y con este motivo le renueva los sentimientos de su distinguida estimacion. = T. Cardenal Bernetti.

*Es copia.* = Hay una rúbrica.

D. José Sabau y Blanco, del Consejo de S. M., su Secretario y de la Interpretacion de Lenguas, Arcediano de Aliaga, Dignidad de la Santa Iglesia Metropolitana de Zaragoza, Académico de Número, y Bibliote-



caro de la Real Academia de la Historia = Certifico: Que la presente traduccion ha sido bien y fielmente hecha al castellano en esta Secretaría de mi cargo, del documento en italiano que de acuerdo del Real y Supremo Consejo de Castilla me fue remitido al efecto. Madrid veinte y ocho de Noviembre de mil ochocientos treinta y uno. = *Jose Sabau y Blanco.*

*Es copia de la traduccion original que existe en el expediente de su razon, de que certifico yo Don Manuel Abad, Escribano de Cámara del Rey N. S. mas antiguo, y de Gobierno del Consejo. Madrid diez de Marzo de mil ochocientos treinta y dos. = Manuel Abad.*

3.<sup>a</sup> Denuntiamus consequenter ad prædicta, die 9 Junii labentis anni 1832, vacante Præfectura Ordinis in Hispaniarum Regnis ac Ditionibus ob expletionem sexennii Reverendissimi Summi Magistri Ordinis Fr. Joachim Briz, ad Episcopatum Segoviensem assumpti, servatis omnibus ad canonicam electionem pertinentibus, omnium animorum consensione et exultatione, cunctisque suffragiis electum fuisse in Reverendissimum Vicarium Generalem Hispanum Fr. Franciscum Usagre, Conventus Urtaonensis Alumnum, in sacra Theologia Magistrum, et Ex-Provincialem Beticæ; qui per plures annos in diversis Præfecturis, hac temporum tempestate emensos, magnam dexteritatem et prudentiæ copiam fecerat, ut effusa omnium gratulatione ejus assumptio exciperetur.

Electio unanimis Revmi. Usagre in Vic. Generalem.



Designatio  
conventus pro  
elig. Vic. Gen.  
in casu mortis.

4.<sup>a</sup> Denuntiamus Reverendissimum P. Vicarium Generalem considentium Patrum approbatione pronuntiasse, quòd si ipse à suo cessare munere ante expletum sexennium, sive per obitum (quod absit), sive per promotionem, seu quacumque alia de causa contigerit, sequens Capitulum generale, pro eligendo Vicario Generali ad complendum sexennium, celebretur in Regio Cœnobio S. Pauli Cordubensi Provinciæ Beticæ, cui ex nunc illud designamus, ne Ordo noster tempore isto medio in Hispaniarum Regnis suo legitimo Capite careat.

Assignat. Rever. non obstaré, quominus Provinles. disponant de suis subditis.

5.<sup>a</sup> Denuntiamus prælaudatum Reverendissimum, quo recta et justa subordinatio subditorum ad cæteros immediatos Superiores servetur, declarasse, assignationes quascumque ab ipso emanandas non obstituras, quin Provinciales, si pro conscientia sua cognoverint bono Provinciarum suarum aliter expedire, possint per novas assignationes de suis disponere subditis, elevando ad cognitionem Reverendissimi causam hujusmodi assignationum.

6.<sup>a</sup> Denuntiamus varios Dei servos O. N. fuisse ad altaria evectoros ab ultimo Capitulo Generali anni 1756 Romæ celebrato usque ad præsens, quorum nomina inserere licet, ne fortè hanc laudabilem consuetudinem veluti præscriptione quadam in dissuetudinem abiisse existimetur. Horum nomina sunt: Antonius Neyrot M., Æmilia Bichieri, et Benvenuta VV. Sebastianus Maggi,



Petrus Jeremias, et Joannes de Salerno CC. Bartholomæus de Bregantia Episc. et Conf. Sadoc cum ejus 48 sociis MM. Catharina Raconixio, Margarita de Ungria, et Maria Bartholomæa VV. Petrus Tiferno, Jacobus Voragine, Antonius ab Ecclesia, Franciscus de Posadas, Simon Ballaqui, Andreas de Piscaria, Bernardus Scammacca, et Constantius Fabrianus CC. Villana de Bottis, Vid. Joanna de Aza Mater SS. P. N. Dominici. Jordanus, secundus Magister Generalis Ordinis, Joannes de Ulma, et Nicolaus de Juvenacio CC. Imelda, et Magdalena de Panateriis VV. Clara Gambacurta Vid., et Henricus Suson C. Verùm enim ne ingratitude labe videamur polluti, alta mente evolvere semper debemus, quantum ad laboraverit in honorem Beati Francisci de Posadas bonæ mem. Reverendissimus P. Vicarius Generalis Fr. Raymundus Guerrero; quot sumptus expenderit, quantamque solertiam adhibuerit in tanti Viri beatificatione promovenda. Nec minore laude dignus apparet Reverendissimus P. Magister Generalis Ordinis Fr. Joachimus Briz, nuperrime ad Episcopale munus eVectus, cujus infatigabili sollicitudini debetur æquipollens beatificatio clarissimæ feminæ Joannæ de Aza dignissimæ Matris SS. P. N. Dominici. Hic est tenor Decreti.

Servi Dei in  
alvo BB. posi-  
ti ab an. 1756.  
usq. ad præ-  
Capitulum.